

og einnig með vísan til greinargerðar bæjarverkfræðings Kópavogs dags. 31. janúar 1991 þá lýsir undirritaður yfir eftirfarandi:

Að því er varðar mörk þau, sem staðfest eru í téðu landamerkjabréfi frá sýslusteini austan Lyklafells í Vífilfell, þá eru þau samþykkt af hálfu Kópavogskaupstaðar. Jafnframt er mótmælt kröfum um lögsögu og/eða eignarrétt Mosfellsbæjar og Reykjavíkurborgar svo og lögsögu Seltjarnarneskaupstaðar á landi því, sem liggur vestan við mörk þessi.

Kópavogi, 6. mars 1991.

Sigurður Geirdal,
bæjarstjóri.

AUGLÝSING

um stofnun Einkaleyfastofu til að sjá um framkvæmd laga er varða hugverkaréttindi á sviði iðnaðar (einkaleyfi, vörumerki o.fl.).

Iðnaðarráðherra hefur ákveðið að fela sérstakri stofnun á vegum ráðuneytisins að sjá um framkvæmd laga og alþjóðasamninga er varða hugverkaréttindi á sviði iðnaðar. Stofnunin tekur við hlutverki einkaleyfa- og vörumerkjadeildar ráðuneytisins. Skipan þessi og verksvið stofnunarinnar er ákveðið samkvæmt heimild í 1. mgr. 7. gr. og 1. mgr. 69. gr. laga nr. 17/1991 um einkaleyfi og 12. og 46. gr. laga nr. 47/1968 um vörumerki, sbr. lög nr. 31/1984.

Stofnunin nefnist Einkaleyfastofan og hefur aðsetur í Reykjavík.
Ofangreind skipan kemur til framkvæmda hinn 1. júlí 1991.

Iðnaðarráðuneytið 24. apríl 1991.

F.h.r.
Björn Friðfinnsson.

Rán Tryggvadóttir.

REGLUGERÐ

um Einkaleyfastofu.

1. gr.

Einkaleyfastofan er ríkisstofnun undir yfirstjórn iðnaðarráðherra. Vernd þeirra réttinda er stofnunin fjallar um tekur til íslenskrar lögsögu. Stofnunin hefur aðsetur í Reykjavík.

2. gr.

Hlutverk Einkaleyfastofu er einkum:

- 1) að fara með málefni varðandi einkaleyfi, vörumerki, hönnunarvernd og önnur hliðstæð réttindi sem kveðið er á um í lögum, reglugerðum og alþjóðasamningum um vernd eignarréttinda á sviði iðnaðar.

- 2) að veita einstaklingum, stofnunum og atvinnufyrirtækjum upplýsingar og ráðgjöf varðandi hugverkaréttindi í iðnaði.
- 3) að stuðla að því að ný tækni og þekking sem felst í skráðum hugverkaréttindum verði aðgengileg almenningi.

3. gr.

Tekjur stofnunarinnar eru gjöld samkvæmt ákvæðum reglugerða sem settar eru á grundvelli laga um hugverkaréttindi á sviði iðnaðar og önnur hliðstæð þjónustugjöld.

4. gr.

Iðnaðarráðherra skipar forstjóra Einkaleyfastofu og er hann jafnframt vörumerkjaskrárritari.

Forstjóri stýrir stofnuninni, ræður starfslið og ber ábyrgð á fjárreiðum hennar.

5. gr.

Stofnunin gefur m.a. út:

- 1) rit fyrir lögboðnar birtingar og tilkynningar varðandi vernd eignarréttinda á sviði iðnaðar,
- 2) framlagðar einkaleyfisumsóknir og skráð einkaleyfi,
- 3) ársyfirlit um skráð hugverkaréttindi og breytingar á þeim,
- 4) leiðbeiningar um frágang umsókna á hverju verndarsviði.

Stofnunin gerir ársyfirlit til Alþjóðahugverkastofnunarinnar (WIPO) varðandi hugverkaréttindi á sviði iðnaðar.

6. gr.

Reglugerð þessi er sett samkvæmt heimild í 7. og 69. gr. laga nr. 17/1991 um einkaleyfi og 12. og 46. gr. laga nr. 47/1968 um vörumerki, sbr. lög nr. 31/1984.
Reglugerðin öðlast gildi 1. júlí 1991.

Iðnaðarráðuneytið 24. apríl 1991.

Jón Sigurðsson.

Björn Friðfinnsson.

REGLUGERÐ

**um sérstök togveiðisvæði við SA-ströndina samkvæmt lögum
nr. 38, 15. maí 1990.**

1. gr.

Þrátt fyrir ákvæði c.-liðar 3. gr. laga nr. 81, 31. maí 1976, um veiðar í fiskveiðilandhelgi Íslands, er skipum styttri en 32 metrar (mesta lengd) og búin eru aðalvél 650 hestöflum og minni heimilt að stunda veiðar með botnvörpu utan 3ja sjómílna frá fjörumarki meginlandsins á svæði sem að austan markast af línu, sem dregin er réttvísandi austur frá Hvítungum. Að vestan markast svæðið af línu, sem dregin er réttvísandi 150° frá punkti 64°10'8 N og 15°42'6 V.

Heimild þessi gildir frá og með 1. maí til og með 15. maí 1991.